

Ҳар бир бидъат, залолатдир!

05:00 / 14.03.2017 2773

Бисмиллаҳир роҳманир роҳийм

Жуфт-жуфт бўлиб истиқомат қилишимиз учун эркак ва аёл қилиб яратган Аллоҳ таолога ҳамду санолар, шаръий йўл билан оила қуриб ҳамжиҳатликда яшашимиз учун Аллоҳ таоло томонидан нозил қилинган ҳукмларни беками-кўст етказган икки олам сарвари Расулуллоҳ соллаллоҳу алайҳи васалламга саловоту саломлар бўлсин.

Халқимиз ўз ҳаётларини тўйларсиз тасаввур қила олмайдилар. Демак, ҳар куни бўлаётган тўйлар бизнинг ҳаётимизнинг ажралмас қисми десак ҳато қилмаган бўламиз. Аслида буни ҳеч қандай ёмон томони йўқ. Зотан, Пайғамбаримиз соллаллоҳу алайҳи васаллам ўзларининг саҳобийларига тўй қилиш борасида турли кўрсатмаларни бериб боргандар, жумладан:

نَمْحَرْلَا دُبَعْ ىَلَعْ ىَأَرْ مَلَسَوْهْ يَلَعْ ُهَلَلَ اِلَصِّي بَنَلَا نَأْ نَعْ ٰوَنْ نَرَوْ ىَلَعْ ٰأَرْمَأْ تَجَّوَزَتْ يَنِإِلَلَوْسَرَأَيْ ٰلَأَقَادَمَ ٰلَأَقَافِهَرْفُصَ رَثَأَفَوَعَنْبَ ٰسْمَحْلَبَ ٰأَوَرَهَلَلَوْكَلَهَلَلَكَرَابَ ٰلَأَقَدَبَهَذَنَمَ.

Анас розияллоҳу анҳудан ривоят қилинади:

“Набий соллаллоҳу алайҳи васаллам Абдурроҳман ибн Авғон розияллоҳу анҳуда сариқлик аломати қўриб:

“Бу нима?” дедилар.

“Эй Аллоҳнинг Расули, данак оғирлигидаги тиллога бир аёлга уйландим”, деди у.

“Аллоҳ сенга барака берсин! Бир қўй сўйиб бўлса ҳам тўй қилгин”, дедилар”.

Бешовлари ривоят қилишган.

Бизни ташвишга солган ва сўз юритмоқчи бўлган мавзуимиз мазкур тўйлар ҳақидаги тушунчани суъистемол қилиб ундан усталик билан душманларимизнинг фойдаланиб қолишларидир. Қандай қилиб, дейсизми? Буни тушунишимиз учун тахминан 80 йил орқага назар солишимиз керак бўлади. “Октябр” инқилобидан кейин секин-асталик билан туб аҳолини ўзлигидан, маданиятидан, миллийлигидан ва динидан айриб, тарихини, ўтмишини унугланган, у ҳақда қизиқиши ҳам йўқ тайёр хизматкор, итоаткор қул ва чўриларга айлантириш сиёсати амалга оширила бошланди.

Кўп йилларга мўлжалланган, пухта режалар билан мустаҳкамланган, худосизлар тузумининг асосий ғояларидан бири эди. Биз сўз юритмоқчи бўлган никоҳ тўйлари ҳам уларнинг мазкур режаларини амалга

оширишлари учун жуда ҳам қулай ва жуда ҳам тез натижа берадиган имконият әди. Шүролар бу имкониятдан унумли фойдаландилар. Биринчидан, никох түйларини тунда ўтказишни жорий қилдилар. Иккинчидан, бу түйда келин-куёвни бевосита иштирок этишларини таъминладилар. Учинчидан, түйда эркак ва аёллар биргаликда аралаш ҳолда бўлишларини жорий қилдилар. Тўртинчидан, уларга русларни ўrnak қилиб, эркак-аёл биргаликда рақс тушушларини киритдилар.

Бешинчидан, мазкур ишларнинг барчаси кўнгилдагидек амалга ошиши учун давранинг ўзларини шаҳвоний куй ва қўшиқлари билан қиздириб турадиган санъаткорлар билан таъминладилар. Олтинчидан, тўйларнинг вақтини чегараламай, балки тонг отгунгача давом этадиган қилдилар. Еттинчидан, энг асосийси зиёфатда солинган дастурхонлардаги нознеъматларнинг “кўрки” сифатида спиртлик ичимликлар тортилди. Бу рўйхатни хоҳлаганча давом эттириш мумкин. Лекин, шуниси ҳам етарли деб ўйлаймиз.

Натижа қандай бўлди дерсиз? Шўролар ўйлаганидан ҳам кўпроқ самара берди. Халқимиз бу бидъатларни чин қалбдан ва очиқ чеҳра билан қарши олдилар. Шунинг самараси ўлароқ халқимизга мазкур бидъатлар бизнинг миллий урф-одатларимиздан эмас, балки бизнинг маънавиятимизга, маданиятимизга, динимизга ёд нарсалар десангиз!!! Бекорларни бештасини айтибсан, ота-боболаримиз шундай қилиб келишган деб ёқа йиртиб талашадиган бўлиб кетдилар. Бу борада ҳар қанча далил-исботлар келтирсангиз ҳам халқимизни асл ҳақиқатга ишонтириб бўлмайдиган ҳолатга келиб қолдилар. Энг ачинарлиси мазкур бидъат ҳали ҳануз ўз-ўзидан урчиб, халқимизнинг қон-қонига “ота-боболаримиз маънавияти” деган тарзда сингиб кетмоқда.

Халқимиз “ёмон қовунни уруғи кўп бўлади” деганларидек, мазкур ёмонлик ҳам кундан кунга болалаб кўпайиб бормоқда. Авваллари ушбу ёмонликни кўпайтириш учун шўролар жонбозлик кўрсатган бўлсалар, ҳозирда “оммавий маданият” ходимлари томонидан урчитиб, юртимиз ёшларини ўз гирдобига тортмоқда. Қуруқ бўлмаслиги учун тунги базми жамшидларда пайдо бўлаётган баъзи бир ёмонликлардан мисол келтирамиз:

1. Тасаввур қилингга, келин-куёв ҳашаматли тўйхонада шаҳзода ва маликалардек тўрида тахти-равонда ўтирибдилар. Уларни бу хурсандчилик билан табриклайдиганлар, муборакбод қиладиганлар сонсоноқсиз. Лекин, нимадир етишмайди. Ҳа, тўғри топдингиз фаришталар етишмайди. Келин-куёвларни ўзларига ўхшаш инсонларнинг табриклари қониктиrmай қўйди. Тўғрида, нима учун фаришталар келиб табрикламаслиги керак экан. Бу муаммо ҳам осонгина ўз ечимини топди.

Ишбилармонлар тезда фариштадек бегуноҳ норасида қизалоқлардан қўштириноқ ичидаги “фаришта”ларни ясашди. Улар ўзларининг ноқис тасаввурларида фаришталарни қандай деб билсалар ҳудди шундай қилиб ясашди. Ҳа тўғрида тирикчиликни айиби борми? Ҳаттоки, норасида қизалоқларни меҳнатини эвазига бўлса ҳам. Ҳалқимиз “мушик бекорга офтобга чиқмайди” деганларидек, сохта фаришталар ҳам бекорга саҳнага чиқмайдилар. Зотан уларнинг орқаларида мўмайгина даромадни кўзлаб тинмай меҳнат қилаётганлар бор. “Фаришталар”нинг ҳар бир чиқишлари тахминан 50-100\$ туради холос!

2. Тунги базми жамшид тугалланиш арафасида барча иштирокчилар рақсга тушавериб тинкаси қуриганидан кейин, хотима ўрнида келин-куёвни даврага тушиб ҳаммани кўз ўнгига бир-бирини пинжига кириб рақсга тушишларини талаб қиласидилар. Бу рақсни алоҳида номи “вальс”дир. Ғарбликларнинг ҳалқимизга бегона бўлганлиги туфайли уни келин-куёвлар билмасликлари аниқ. Лекин буни ташвишланарли жойи йўқ. Чунки, уни ўргатадиган мутахассислар етарли бўлиб, уларни пулига чидасангиз бўлди.

Обрў керак бўлганидан кейин пулни юзига қарамайдиганлар кераклича топиладилар. Қарабсизки, бу иш ҳам битди. Келин-куёв сабр билан қимматли вақтларидан 2-3 ойни ажратсалар бўлди. Хизмат ҳақи ҳам унчалик кўп эмас. 400-500\$ бўлади холос. Ҳа, нима қилибди умрида бир маротаба бўладиган нарсага, қарзга ботиб бўлса ҳам қилиши керак, тўғрида бирордан кам жойи борми?;

3. Базми жамшидда келин-куёвларни никоҳ тўйигача бўлган вақтни ичida нималар билан шуғилланганликлари, неча маротаба учрашганликлари, қайси истироҳат боғларида айланганликлари, бозорларга бориб нималар харид қилганликлари, қандай қилиб танишиб, пинхона учрашиб юрганликларидан тортиб қўйингки барча майда-чуйда, икирчикирларигача видео лавҳа қилиб тўйхонада ҳаммага намойиш этилади. Аслида буларнинг ҳаммаси ҳар бир инсоннинг шахсий ҳаёти бўлиб, бу тўғрисида одамларга лавҳалар кўрсатиш пасткашлик, ориятсизлик ва даюсликдир. Тўғри бир неча йиллар олдин ҳудди шунга ўхшаш ҳолат ойнаи жаҳон орқали алоҳида кўрсатув қилиб ҳам намойиш этилган. Кейинчалик бу бачканаликка барҳам берилган эди. Лекин, илдизи билан қўпариб ташланмаган шекили, ҳозирда тўйхоналарда ўша иллат бўй чўзиб қолди;

4. Тунги никоҳ тўйининг охирида келин саҳнада тўй иштирокчиларига тескари ҳолда туради, қўлида эса гулдаста. Орқасида бир гуруҳ ҳали

турмушга чиқмаган қызлар саф тортиб туришади. Келин гул дастани орқасига қарамаган ҳолда отади. Орқасида турган қызларнинг қайси бири гулдастани ушлаб олса, уни баҳти очилар әмиш!

Бу ҳам “оммавий маданият” номи ила ғарбликлардан кириб келган бир бидъат. Шу билан бир қаторда ўлжани қўлга киритиш мақсадида қўйилган қопқондир. Ваҳима қилмасайизчи! Буни нимаси ёмон дерсиз? Тўғри зоҳирий кўринишидан ҳеч қандай ёмонлиги йўқ оддий ҳурсандчиликнинг бир кўринишига ўхшаб туйилади. Аслидачи! Бир пайтлар турмушга чиқишилик тўғрисида гап-сўз бўладиган бўлса, юзлари анордай қизариб, кўзлари ер чизиб қочгани жой топа олмай қоладиган Ўзбекнинг, Мусулмонларнинг ҳаёли, иболи қизлари ҳозирда бир неча эркак томошабинларнинг кўз ўнгига «Мен эрсираб қолганман» дегандек, гулдастага ташланиши тўғрими? Балки, бу одат кимларгадир фахр, обрўдир. Лекин, бизларнинг миллатимизга эмас. Бизларнинг қизларимиз имону ислом, дину диёнат, ахлоқу одоб, ҳаёю иффат ва ору номус билан безангандирлар. Ҳаттоқи улардан ўз оталари фалончидан совчи келибди қизим нима дейсан деб сўраганларида очиқчасига жавоб беришга ҳаёқилганлар. Мазкур ҳақиқат пайғамбаримиз соллаллоҳу алайҳи васалламнинг ҳадиси шарифларида ўз ифодасини топган.

Оиша розияллоху анҳодан ривоят қилинади:

“Расулуллоҳ соллаллоҳу алайҳи васаллам қачон қизларидан бирортасини узатмоқчи бўлсалар, унинг пардаси олдига ўтириб, “Фалончи Фалонани зикр қилмоқда”, деб, унинг ҳам, уни зикр қилган эркакнинг ҳам исмини айтар эдилар.

Агар у сукут сақласа, никоҳлар әдилар. Агар у қиз ёқтирипаса, пардани чертар әди. Қачон қиз пардани чертса, уни никоҳламас әдилар” (Имом Аҳмад ривояти).

Халқимиздаги “сукут аломати ризо” деган нақл ушбу ҳадиси шарифдан олингандир. Азизлар бу маданиятни, маънавиятни ахлоқу-одобни, қизларнинг ҳаёларини, иффатларини қандай бўлишини томошо қилинг! Ўрганинг! Ва амал қилинг!

Мана азизлар биргина бидъат бир неча маротаба болалаганини гувоҳи бўлдингиз. Бу ҳали ҳаммаси эмас! Мазкур бидъат болалашликда давом этмоқда.

Энг ачинарлиси эса, уни кундан кунга кўпайиб боришига ўз ҳиссасини қўшаётган инсонлар халқимизнинг ичидаги энг таниқли кишилар эканлигидир. Мазкур рўйхатнинг биринчи ва иккинчи ўринларида эса, албатта ўйлаганингиздек хонандалар ва актёрлар туради (ҳозирги кунда бу икки тоифа аралашиб кетган). Булар томонидан қилинадиган барча яхши ва ёмон ишлар халқимизга тезда етиб боради ва таъсир кўрсатади. Зотан ойнаи жаҳон, матбуот ва кўпгина ахборот воситалари ҳам тинмай уларни ташвиқот қилишликда хизмат қиласди. Лекин уларга бу воситаларнинг ҳам хизмати камлик қиласди шекили, ҳозирги кунда ўзларининг никоҳ тўйларини ойнаи-жаҳонда кўрсатишликни имконияти бўлмаганлиги туфайли алоҳида дискларга ёзишиб ноқонуний йўллар билан бўлса ҳам уларни тарқатиш пайида бўлишмоқда. Тўғрироғи “оммавий маданият”нинг жарчилари ҳамда ходимлари десак адашмаган бўламиз. Буларни бундан бошқа нима деб ҳам аташ мумкин!

Мазкур иллатларнинг барчасини бошида илмсизлик ёки билсада унга амал қилмаслик турибди. Шу ўринда билганлар учун эслатма, билмаганларга эса билиб амал қилишлари учун, хулоса ўрнида Пайғамбаримиз соллаллоҳу алайҳи васалламдан қуйидаги ҳадиси шарифни нақл қилиб келтирамиз:

Жобир розияллоху анҳудан ривоят қилинади:

“Набий соллаллоҳу алайҳи васаллам:

“Албатта, энг содик Калом, Аллоҳнинг Китобидир, энг яхши ҳидоят, Муҳаммаднинг ҳидоятидир. Ишларнинг энг ёмони, янги пайдо бўлганларидир. Ҳар бир янги чиқсан иш, бидъатдир. Ҳар бир бидъат, залолатдир. Барча залолат, дўзахдадир”, дедилар”.

Икки Шайх ва Насайй ривоят қилишган. Лафз Насаййники.

“ Түхтабой ” жомеъ масжиди имом хатиби:

Бегматов Исоқжон домла